

# პერსონალურ მონაცემთა დამუშავების პოლიტიკა (პროფესიული სტუდენტების, მსმენელების, კურსდამთავრებულების, ვიზიტორების, ტრენერებისა და დარგის მოწვეული წევრებისათვის)

## მუხლი 1 ზოგადი ინფორმაცია მონაცემთა დამუშავების პოლიტიკის შესახებ

შპს მარნეულის კოლეჯი“-ს (ს/კ 234158498), ელ-ფოსტა: marneulicollege@gmail.com (შემდგომ - კოლეჯი) პერსონალურ მონაცემთა დამუშავების პოლიტიკის (შემდგომ - პოლიტიკა) მიზანია, ხელი შეუწყოს კოლეჯის მიერ თქვენთვის მოწოდებული საგანმანათლებლო მომსახურების ფარგლებში თქვენი პერსონალური მონაცემების (შემდგომ - მონაცემები) დამუშავების გამჭვირვალობას. კოლეჯი პატივს სცემს და იცავს ადამიანის ძირითად უფლებებსა და თავისუფლებებს, უზრუნველყოფს „პერსონალურ მონაცემთა დამუშავების შესახებ“ საქართველოს კანონით გათვალისწინებული პრინციპებისა და მონაცემთა სუბიექტის უფლებების დაცვას.

კოლეჯი თქვენს მონაცემებს ამუშავებს „პერსონალურ მონაცემთა დაცვის შესახებ“ საქართველოს კანონის შესაბამისად, კონკრეტული, მკაფიოდ განსაზღვრული მიზნებითა და ამავე კანონით განსაზღვრული საფუძვლებით. ამასთან, კოლეჯი ამუშავებს მხოლოდ იმ მონაცემებს, რაც აუცილებელია კოლეჯის კანონიერი მიზნების მისაღწევად.

თქვენი მონაცემების დამუშავებისას, დაცულია „პერსონალურ მონაცემთა დაცვის შესახებ“ საქართველოს კანონით განსაზღვრული მონაცემთა დამუშავების ყველა პრინციპი. ჩვენ მაქსიმალურად ვიცავთ თქვენს მონაცემებს და ამისათვის დანერგილი გვაქვს სათანადო ორგანიზაციული და ტექნიკური უსაფრთხოების ზომები.

პოლიტიკაში გამოყენებულ ტერმინებს აქვთ „პერსონალურ მონაცემთა დაცვის შესახებ“ საქართველოს კანონით განსაზღვრული მნიშვნელობა.

## მუხლი 2 რა სახის მონაცემებს ვამუშავებთ, როგორ და რა მიზნით

ჩვენ ვამუშავებთ მხოლოდ იმ მონაცემებს, რასაც თქვენ გვაწვდით ნებაყოფლობით, სათანადო ინფორმაციის მიღების შემდეგ ან რომელთა დამუშავებაც გათვალისწინებულია საქართველოს კანონმდებლობით ან/და სავალდებულოა კოლეჯისათვის კანონმდებლობით დაკისრებული მოვალეობის შესასრულებლად ან/და კოლეჯის მნიშვნელოვანი ლეგიტიმური ინტერესების დასაცავად, თქვენთან დადებული გარიგებით ნაკისრი ვალდებულებების შესასრულებლად ან თქვენი მოთხოვნით გარიგების დასადებად. ასევე, თქვენს განსაკუთრებული კატეგორიის მონაცემებს ვამუშავებთ თქვენი წერილობითი თანხმობის ან შეზღუდული შესაძლებლობის მქონე პირთა და

სპეციალური საგანმანათლებლო საჭიროების მქონე პირთა განათლების უფლების განხორციელების მიზნით.

## 1. საგანმანათლებლო პროცესი

თქვენთვის საგანმანათლებლო მომსახურების გაწევის მიზნით, ჩვენს მიერ მუშავდება თქვენი შემდეგი მონაცემები:

### 1.1 კოლეჯის პროფესიულ საგანმანათლებლო პროგრამზე/პროფესიული მომზადება-გადამზადების პროგრამაზე ჩარიცხვის ეტაპზე, კოლეჯის მიერ მუშავდება:

- თქვენი სახელი, გვარი, პირადობის მოწმობაში არსებული ინფორმაცია, წინმსწრები განათლების დადასტურებულ დოკუმენტ(ებ)ში არსებული ინფორმაცია;
- საკონტაქტო ინფორმაცია (ტელეფონი, ელ-ფოსტა), ალტერნატიული საკონტაქტო ინფორმაცია (ტელეფონი, ელ-ფოსტა)<sup>1</sup>;
- სამხედრო აღრიცხვაზე ყოფნის დამადასტურებელ დოკუმენტში არსებული ინფორმაცია;<sup>2</sup>
- არჩეული საგანმანათლებლო პროგრამა;
- სამუშაო ადგილიდან ცნობაში არსებული ინფორმაცია<sup>3</sup>;
- უცხოეთში მიღებული განათლების აღიარების დამადასტურებელ დოკუმენტში არსებული ინფორმაცია<sup>4</sup>;
- გავლილი მოდულების შესახებ ცნობაში მითითებული ინფორმაცია<sup>5</sup>;
- კანონიერი წარმომადგენლის სახელი, გვარი, პირადობის მოწმობაში არსებული მონაცემები, დაბადების მოწმობა/მინდობილი პირის სტატუსის დამადასტურებელი დოკუმენტში არსებული ინფორმაცია<sup>6</sup>;
- თქვენი/თქვენი კანონიერი წარმომადგენლის ხელმოწერა;
- მულტიდისციპლინარული გუნდის შეფასების ფორმაში არსებული ინფორმაცია (სსმ პირის სტატუსის ფლობის დადასტურებისათვის) (არსებობის შემთხვევაში);
- თქვენი შეფასების ინსტრუმენტი და შეფასება<sup>7</sup>;
- საქართველოს კანონმდებლობით<sup>8</sup> დადგენილი სხვა ინფორმაცია.

### 1.2 კოლეჯის პროფესიულ საგანმანათლებლო პროგრამზე/პროფესიული მომზადება-გადამზადების პროგრამაზე პროფესიული სტუდენტის/მსმენელის სტატუსის შეჩერება/შეწყვეტის/აღდგენის ეტაპზე, კოლეჯის მიერ მუშავდება - პროფესიული სტუდენტის/მსმენელის სახელი, გვარი, პირადი ნომერი,

<sup>1</sup> მუშავდება კოლეჯის მნიშვნელოვანი ლეგიტიმური ინტერესის საფუძველით.

<sup>2</sup> 17-27 წლის მამრობითი სქესის პირებისათვის.

<sup>3</sup> პროფესიული მომზადება/გადამზადების პროგრამაზე ჩარიცხვის შემთხვევაში, თუ აღნიშნული მოთხოვნილია პროფესიული მომზადება/გადამზადების პროგრამის წინაპირობით.

<sup>4</sup> წინმსწრები განათლების/მობილობის შემთხვევაში გავლილი კრედიტების საქართველოს ფარგლებს გარეთ მიღების/მოპოვების შემთხვევაში.

<sup>5</sup> მობილობის წესით კოლეჯში ჩარიცხვის შემთხვევაში.

<sup>6</sup> არასრულწლოვანი პირის შემთხვევაში.

<sup>7</sup> მე-3 და მე-4 დონის პროფესიული საგანმანათლებლო პროგრამებზე ჩარიცხვის შემთხვევაში.

<sup>8</sup> „პროფესიული განათლების მართვის საინფორმაციო სისტემის შექმნისა და ადმინისტრირების წესისა და პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2021 წლის 17 თებერვალის #11/წ ბრძანება, „პროფესიული საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის #42/წ ბრძანება.

პროგრამა, სტატუსის შეჩერება/შეწყვეტის/აღდგენის მიმართ კანონმდებლობით/კოლეჯის წესდებით განსაზღვრული საფუძველი.

**1.3 კოლეჯის ბაზაზე განხორციელებული სასწავლო პროცესის ფარგლებში** - პროფესიული სტუდენტი/მსმენელის სახელი, გვარი, პირადი ნომერი, ხელმოწერა, პროგრამის/მოდულის/თემატიკის/სწავლის შედეგის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი), (ინფორმაცია ჯანმრთელობის მდგომარეობის შესახებ (დამატებითი/განმეორებითი გამოცდით უსასყიდლოდ სარგებლობისათვის)).<sup>9</sup>

პროფესიული განათლების მასწავლებელი/დარგის სპეციალისტის: სახელი, გვარი, ხელმოწერა, თვითრეფლექსია (ინტეგრირებული მოდულების შემთხვევაში), პროფესიული სტუდენტის/მსმენელის შეფასება, პოზიცია.

ტრენერის: სახელი, გვარი, ხელმოწერა, ანგარიშის ნომერი, სტატუსი.

**1.4 კოლეჯის მიერ საგანმანათლებლო პროგრამის მიზნებისათვის განხორციელებული სასწავლო ექსკურსის ფარგლებში** - მონაცემთა სუბიექტის ფოტოგამოსახულება (თქვენივე თანხმობის საფუძველზე), პროფესიული სტუდენტის სახელი, გვარი, ხელმოწერა, ავტოსატრანსპორტო საშუალების მძღოლის სახელი, გვარი, მანქანის სახელმწიფო ნომერი.

**1.5 კოლეჯის მიერ შეთავაზებული საწარმოო პრაქტიკის ფარგლებში** - პროფესიული სტუდენტი/მსმენელის სახელი, გვარი, პირადი ნომერი, ხელმოწერა, პროგრამის/მოდულის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).

**1.6 პროგრამის დასრულების შემდგომ, თქვენთვის დიპლომების, დუბლიკატების, სერტიფიკატებისა და სერტიფიკატების დუბლიკატების, დანართების მომზადება, რეგისტრაცია/გაცემის ეტაპზე** - პროფესიული სტუდენტის/მსმენელის სახელი გვარი, მამის სახელი, პროგრამის დასახელება, კომისიის ოქმის ნომერი/ბრძანების ნომერი, თარიღი, დიპლომის/სერტიფიკატის ნომერი, მინიჭებული კვალიფიკაცია/დასრულებული პროგრამის სახელწოდება, დიპლომის/სერტიფიკატის შევსების თარიღი, გატანაზე პასუხისმგებელი პირის პირადი ნომერი, ხელმოწერა, საქართველოს კანონმდებლობით განსაზღვრული სხვა მონაცემები.<sup>10</sup>

**ზემოაღნიშნულ ეტაპებზე (გარდა თქვენი თანხმობით მონაცემების მიწოდების ნაწილისა) თქვენი მონაცემების დამუშავება სავალდებულოა. სხვა შემთხვევაში, კოლეჯი ვერ უზრუნველყოფს კანონმდებლობით დადგენილი წესით გაგიწიოთ საგანმანათლებლო მომსახურება.**

**ჩარიცხვის პროცესში ალტერნატიული საკონტაქტო ინფორმაციის (ტელეფონი, ელ-ფოსტა) დამუშავების საფუძველია კოლეჯის მნიშვნელოვანი ლეგიტიმური ინტერესი, რათა გადაუდებელი აუცილებლობის შემთხვევაში, ჰქონდეს თქვენთან დაკავშირების ალტერნატიული არხი. ამასთან, აღნიშნული ინფორმაციის მიწოდების ეტაპზე თქვენ ირჩევთ ვისი საკონტაქტო ინფორმაცია მიაწოდოთ კოლეჯის.**

<sup>9</sup> ამ ეტაპზე თქვენი მონაცემების დამუშავების მიზნებისა და საფუძვლების, ასევე თქვენი უფლებების შესახებ დეტალურად გეცნობებათ განაცხადის შევსების ეტაპზე.

<sup>10</sup> „პროფესიული განათლების დამადასტურებელი სახელმწიფო დოკუმენტის და მისი დანართის ფორმების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 29 მაისის №99/ნ ბრძანება.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

## 2. ელექტრონული სისტემების გამოყენებით თქვენი მონაცემების დამუშავება

კოლეჯის მიერ თქვენთვის მოწოდებული მომსახურების პროცესში, თქვენი მონაცემები ასევე შეიძლება დამუშავდეს კოლეჯის მართლზომიერ მფლობელობაში არსებული ელექტრონული სისტემებით კოლეჯისათვის კანონმდებლობით დაკისრებული მოვალეობის შესასრულებლად ან/და კოლეჯის მნიშვნელოვანი ლეგიტიმური ინტერესების დაცვის მიზნებით:

- პროფესიული საგანმანათლებლო პროგრამების/პროფესიული მომზადება/გადამზადების პროგრამის Microsoft Team-ის საშუალებით დისტანციურად განხორციელების ფარგლებში - თქვენი სახელი, გვარი, გამოსახულება, ხმა, ელ-ფოსტა, ზეპირი გამოკითხვის დროს პროფესიული სტუდენტის/მსმენელის მიერ დაფიქსირებული ინფორმაცია. პლატფორმის საშუალებით განხორციელებული სასწავლო/შეფასების პროცესი, კოლეჯისათვის კანონმდებლობით დაკისრებული ვალდებულების შესრულებისა და კოლეჯის მნიშვნელოვანი ლეგიტიმური ინტერესის დასაცავად იწერება და პლატფორმაზე ინახება 21 დღის განმავლობაში. პროფესიული სტუდენტი/მსმენელი უფლებამოსილია, გამოიყენოს პლატფორმაზე შენახული ჩანაწერი (მათ შორის სხვა პროფესიული სტუდენტების/მსმენელებისა და პროფესიული განათლების მასწავლებლის მონაცემების ამსახველი ჩანაწერი) მხოლოდ სასწავლო მიზნებისათვის. ამასთან, აღნიშნული ჩანაწერი, ასევე ხელმისაწვდომია სასწავლო პროცესის სხვა მონაწილე პირებისთვის (პროფესიული განათლების მასწავლებელი, სხვა პროფესიული სტუდენტები/მსმენელები) ამავე ვადით, რათა უზრუნველყოფილ იქნეს საგანმანათლებლო პროცესის ჯეროვანი განხორციელება. აღნიშნულ პირებს შესაძლებლობა აქვთ ჩამოტვირთონ ჩანაწერი (პროფესიულ სტუდენტებს/მსმენელებს - სასწავლო მიზნებისათვის, პროფესიული განათლების მასწავლებელს - თვითშეფასებისა და პროფესიული განვითარების მიზნებისათვის).
- Testmoz - პროფესიული სტუდენტის სახელი, გვარი, პირადი ნომერი, ინფორმაცია შეფასებების შესახებ, პროფესიული სტუდენტის დასწრების შესახებ.
- ელექტრონული დოკუმენტბრუნვის სისტემა (e-flow)/კოლეჯის ინსტიტუციური ელ-ფოსტა ([marneulicollege@gmail.com](mailto:marneulicollege@gmail.com)) - სახელი, გვარი, პირადი ნომერი, ხელმოწერა (არსებობის შემთხვევაში), მონაცემთა სუბიექტის მიერ კორესპონდენციაში მითითებული ინფორმაცია, ჯანმრთელობასთან დაკავშირებული ინფორმაცია (პროფესიული სტუდენტის/მსმენელის მიერ დამატებით/განმეორებით გამოცდაზე დაშვების მოთხოვნის შემთხვევაში).

ზემოაღნიშნულ ეტაპებზე (გარდა თქვენი თანხმობით მონაცემების მიწოდების ნაწილისა) თქვენი მონაცემების დამუშავება სავალდებულოა. სხვა შემთხვევაში, კოლეჯი ვერ უზრუნველყოფს კანონმდებლობით დადგენილი წესით გაგიწიოთ საგანმანათლებლო მომსახურება/დააკმაყოფილოს კოლეჯისათვის კანონმდებლობით დაკისრებული მოვალეობა.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

## 3 საკუთრებისა და უსაფრთხოების მიზნებით მონაცემების დამუშავება

#### 4.1 ვიდეომეთვალყურეობა

თქვენი უსაფრთხოებისა და საკუთრების დაცვის, კოლეჯისათვის კანონმდებლობით დაკისრებული მოვალეობის შესრულებისათვის,<sup>11</sup> ასევე კოლეჯის სხვა ლეგიტიმური ინტერესის სფეროსთვის მიკუთვნებული ამოცანების შესრულებისათვის, რომელთა მიღწევა სხვა ალტერნატიული საშუალებებით ვერ განხორციელდება ან/და იგი კოლეჯისაგან მოითხოვს არაპროპორციულ ხარჯებს/ძალისხმევას, კოლეჯის ტერიტორიაზე (შიდა და გარე პერიმეტრზე) მიმდინარეობს ვიდეომეთვალყურეობა.

ვიდეომონიტორინგის შესახებ კოლეჯი უზრუნველყოფს თქვენს წინასწარ ინფორმირებას კანონმდებლობით დადგენილი წესით განთავსებული გამაფრთხილებელი ნიშნის მეშვეობით.

ვიდეომონიტორინგის განხორციელების პროცესში მონაცემების დამუშავების წესისა და მონაცემების შენახვის შესახებ დეტალური ინფორმაციის მისაღებად შეგიძლიათ მიმართოთ კოლეჯის პერსონალურ მონაცემთა დაცვის ოფიცერს.

**ზემოაღნიშნულ ეტაპებზე თქვენი მონაცემების დამუშავება სავალდებულოა, სხვა შემთხვევაში, კოლეჯი ვერ უზრუნველყოფს შეასრულოს კოლეჯისათვის კანონმდებლობით დაკისრებული მოვალეობა.**

**ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.**

#### 4 მარკეტინგული მიზნებით მონაცემების დამუშავება

კოლეჯის საქმიანობის პოპულარიზაციისა ან/და კოლეჯის საქმიანობის შესახებ საზოგადოების ინფორმირების მიზნით, ასევე კოლეჯის მიერ პოტენციური მომხმარებლების მოზიდვისა და პოტენციური კლიენტებთან ეფექტური კომუნიკაციის, პოტენციური კლიენტების შესახებ ინფორმაციის ანალიზი/ტენდენციების განსაზღვრის, სსიპ - განათლების მართვის საინფორმაციო სისტემაში (VET.GE) რეგისტრაციის პროცესში პოტენციური აპლიკანტის მხარდაჭერისა და კოლეჯის მნიშვნელოვანი ლეგიტიმური ინტერესის დასაცავად, კოლეჯის მიერ მუშავდება:

**4.1 პროფესიულ საგანმანათლებლო პროგრამებზე/პროფესიული მომზადება-გადამზადების პროგრამებზე მიღების გამოცხადების შესახებ, ჩვენი სოციალური ქსელის გვერდზე, თქვენს მიერ ნებაყოფლობით განაცხადის ფორმის შევსების ეტაპზე - თქვენი სახელი, გვარი, ტელეფონის ნომერი, ელ-ფოსტა, განათლება, ასაკი, სასურველი პროგრამა.**

ამ პროცესში თქვენს მიერ ინფორმაციის მოწოდება ნებაყოფლობითია - თქვენ შესაძლებლობა გაქვთ ამ ფორმის შევსების გარეშეც დარეგისტრირდეთ სსიპ - განათლების მართვის საინფორმაციო სისტემაში (VET.GE). ამ პროცესში თქვენი მონაცემთა დამუშავებასთან დაკავშირებული ინფორმაციის გაცნობის შესაძლებლობა თქვენ ასევე გაქვთ უშუალოდ

<sup>11</sup> „ავტომატური ფოტო და ვიდეოტექნიკის ტექნიკური მახასიათებლებისა და მათი ექსპლუატაციის წესის, აგრეთვე იმ შენობა-ნაგებობათა ჩამონათვალის დამტკიცების შესახებ, რომელთა გარე პერიმეტრზე სავალდებულოა ავტომატური ფოტო ან/და ვიდეოტექნიკის განთავსება/დამონტაჟება“ საქართველოს მთავრობის 2022 წლის 2 მარტის №101 დადგენილება, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 01 ოქტომბრის №99/ნ ბრძანება.

განაცხადის ფორმის შევსებისას, ჩვენი კონფიდენციალურობის პოლიტიკის დოკუმენტზე (ბმულზე) გადასვლის გზით.

4.2 კოლეჯის ვებ/გვერდზე/სოციალურ ქსელში/საიმიჯო მასალებზე თქვენი თანხმობის საფუძველზე, თქვენი პერსონალური მონაცემების განთავსების ეტაპზე - თქვენი სახელი, გვარი, ფოტო, ვიდეო, სტატუსი, ინფორმაცია თქვენი მიღწევების შესახებ.

**ზემოაღნიშნულ ეტაპებზე თქვენი მონაცემების დამუშავება ნებაყოფლობითია და ხორციელდება თქვენი თანხმობის საფუძველზე.**

**ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.**

## 5. ხარისხის უზრუნველყოფის მიზნებით მონაცემების დამუშავება

კოლეჯისათვის კანონმდებლობით დაკისრებული მოვალეობის შესრულებისათვის,<sup>12</sup> ასევე კოლეჯის მნიშვნელოვანი ლეგიტიმური ინტერესის დასაცავად, ხარისხის შიდა და გარე უზრუნველყოფის პროცესში, მუშავდება თქვენი პერსონალური მონაცემები. მათ შორის:

1.1 პროფესიული სტუდენტის/მსმენელის კმაყოფილების კვლევის პროცესში - პროფესიული სტუდენტის/მსმენელის ელ-ფოსტა.

ამ პროცესში მონაწილეობა არის ნებაყოფლობითი, ხოლო თქვენს მიერ კითხვარის შევსების ეტაპზე არ ფიქსირდება თქვენი ვინაობა (კვლევა ანონიმურია), გარდა იმ შემთხვევისა, როცა თქვენი სურვილით გაამჟღავნებთ საკუთარ მონაცემებს.

1.2 კოლეჯში დანერგილი პროფესიული სტუდენტის შეფასების სისტემის ვერიფიკაციის პროცესში, შემთხვევითი შერჩევის პრინციპით, შესაძლოა დამუშავდეს - პროფესიული სტუდენტის სახელი, გვარი, პროფესიული სტუდენტის უნიკალური ნომერი, პროფესიული სტუდენტის შეფასების ინსტრუმენტი, პროფესიული სტუდენტის შეფასება, ხელმოწერა.

1.3 საწარმოო პრაქტიკის ობიექტის წარმომადგენელთან (ინსტრუქტორთან) უკუკავშირის პროცესში - პროფესიული სტუდენტის/მსმენელის სახელი, გვარი, პრაქტიკის კომპონენტის განხორციელების შეფასება.

1.4 პროფესიული საგანმანათლებლო დაწესებულების ავტორიზაციის სტანდარტებით განსაზღვრული მოთხოვნების დადასტურებისათვის, მტკიცებულებების შეგროვების ნაწილში (მათ შორის თქვენი მონაცემების შემცველი „ქრინების“/ფოტოების გადაღება) - ნებისმიერი მონაცემი, რომლის წარდგენის გარეშე, კოლეჯი ვერ უზრუნველყოფს პროფესიული საგანმანათლებლო დაწესებულების ავტორიზაციის სტანდარტებით განსაზღვრული მოთხოვნების დადასტურებას.

ამასთან ამ პროცესში, მონაცემთა მინიმუზაციის პრინციპის დაცვის მიზნებისათვის, მესამე პირებს თქვენი პერსონალური მონაცემები გადაეცემათ მხოლოდ უკიდურესი აუცილებლობის შემთხვევაში, როცა პროფესიული საგანმანათლებლო დაწესებულების ავტორიზაციის

<sup>12</sup> „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 01 ოქტომბრის №99/ნ ბრძანება, „პროფესიული მომზადების პროგრამისა და პროფესიული გადამზადების პროგრამის განხორციელების უფლების მოპოვებისა და სახელმწიფოს მიერ აღიარებულად ჩათვლის წესისა და პირობების დამტკიცების თაობაზე“ საქართველოს მთავრობის 2019 წლის 15 მარტის #131 დადგენილება.

ზემოაღნიშნულ ეტაპებზე თქვენი მონაცემების დამუშავება სავალდებულოა. სხვა შემთხვევაში, კოლეჯი ვერ უზრუნველყოფს კანონმდებლობით დადგენილი წესით გაგიწიოთ საგანმანათლებლო მომსახურება/დააკმაყოფილოს კოლეჯისათვის კანონმდებლობით დაკისრებული მოვალეობა.

ზემოაღნიშნულ პროცესებში თქვენი მონაცემების დამუშავების მიზნებისა და საფუძვლების დეტალური აღწერილობა იხ. ქვევით.

## 6. მონაცემთა დამუშავების საფუძვლები

თქვენი მონაცემები მუშავდება „პერსონალურ მონაცემთა დაცვის შესახებ“ საქართველოს კანონით განსაზღვრული შესაბამისი კანონიერი საფუძვლით.

მონაცემთა დამუშავების საფუძვლებია:

| № | პროცესი   | მონაცემი  | მიზანი   | საფუძველი  |
|---|---|---|--|--|
| 1 | პროფესიულ საგანმანათლებლო პროგრამაზე/პროფესიული მომზადების გადაწყვეტილების პროგრამაზე ჩარიცხვის ეტაპი | <p>თქვენი სახელი, გვარი, პირადობის მოწმობაში არსებული ინფორმაცია, წინმსწრები განათლების დადასტურებულ დოკუმენტ(ებ)ში არსებული ინფორმაცია;</p> <p>საკონტაქტო ინფორმაცია (ტელეფონი, ელ-ფოსტა), ალტერნატიული საკონტაქტო ინფორმაცია (ტელეფონი, ელ-ფოსტა)<sup>13</sup>;</p> <p>სამხედრო აღრიცხვაზე ყოფნის დამადასტურებელ დოკუმენტში არსებული ინფორმაცია;<sup>14</sup></p> <p>არჩეული საგანმანათლებლო პროგრამა;</p> <p>სამუშაო ადგილიდან ცნობაში არსებული ინფორმაცია<sup>15</sup>;</p> <p>უცხოეთში მიღებული განათლების აღიარების დამადასტურებელ დოკუმენტში არსებული ინფორმაცია<sup>16</sup>;</p> <p>გავლილი მოდულების შესახებ ცნობაში მითითებული ინფორმაცია<sup>17</sup>;</p> <p>კანონიერი წარმომადგენლის სახელი, გვარი, პირადობის მოწმობაში არსებული მონაცემები, დაბადების მოწმობა/მინდობილი პირის სტატუსის დამადასტურებელი დოკუმენტი;<sup>18</sup></p> <p>თქვენი/თქვენი კანონიერი წარმომადგენლის ხელმოწერა;</p> <p>მულტიდისციპლინარული გუნდის შეფასების ფორმაში არსებული ინფორმაცია (სსმ პირის სტატუსის ფლობის</p> | <p>საკანონმდებლო ვალდებულების შესრულება, საგანმანათლებლო მომსახურების გაწევა</p> | <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p> <p>კოლეჯის მნიშვნელოვანი ლეგიტიმური ინტერესის დასაცავად</p> <p>კოლეჯისათვის კანონმდებლობით დაკისრებული მოვალეობის შესასრულებლად</p> <p>განსაკუთრებული კატეგორიის მონაცემები მუშავდება შეზღუდული შესაძლებლობის მქონე პირთა და სპეციალური საგანმანათლებლო საჭიროების მქონე პირთა განათლების უფლების განხორციელების მიზნითჯანმრთელობის დაცვის სისტემის მართვის მიზნებით</p> |

<sup>13</sup> მუშავდება კოლეჯის მნიშვნელოვანი ლეგიტიმური ინტერესის საფუძველით.

<sup>14</sup> 17-27 წლის მამრობითი სქესის პირებისათვის.

<sup>15</sup> პროფესიული მომზადება/გადამზადების პროგრამაზე ჩარიცხვის შემთხვევაში, თუ აღნიშნული მოთხოვნილია პროფესიული მომზადება/გადამზადების პროგრამის წინაპირობით.

<sup>16</sup> წინმსწრები განათლების/მოხილობის შემთხვევაში გავლილი კრედიტების საქართველოს ფარგლებს გარეთ მიღების/მოპოვების შემთხვევაში.

<sup>17</sup> მოხილობის წესით კოლეჯში ჩარიცხვის შემთხვევაში.

<sup>18</sup> არასრულწლოვანი პირის შემთხვევაში.

|   |   |  |   |  |
|---|---|--|---|--|
|   |   | დადასტურებისათვის) (არსებობის შემთხვევაში);<br>თქვენი შეფასების ინსტრუმენტი და შეფასება <sup>19</sup> ;<br>საქართველოს კანონმდებლობით <sup>20</sup> დადგენილი სხვა ინფორმაცია.   |   |  |
| 2 | <b>პროფესიულ საგანმანათლებლო პროგრამაზე/პროფესიული მომზადების გადაზიდვის პროგრამაზე პროფესიული სტუდენტის/მსმენელის სტატუსის შეჩერება/შეწყვეტის/აღდგენის ეტაპი</b> | პროფესიული სტუდენტის/მსმენელის სახელი, გვარი, პირადი ნომერი, პროგრამა, სტატუსის შეჩერება/შეწყვეტის/აღდგენის მიმართ კანონმდებლობით/კოლეჯის წესდებით განსაზღვრული საფუძველი  | საკანონმდებლო ვალდებულების შესრულება, საგანმანათლებლო მომსახურების გაწევა   | <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p> <p>კოლეჯისათვის კანონმდებლობით დაკისრებული მოვალეობის შესასრულებლად</p>  |
| 3 | <b>კოლეჯის ბაზაზე განხორციელებული სასწავლო პროცესი (მოკლევადიანი, გრძელვადიანი და სასერტიფიკატო პროგრამები)</b>   | პროფესიული სტუდენტი/მსმენელის: სახელი, გვარი, პირადი ნომერი, ხელმოწერა, პროგრამის/მოდულის/თემატიკის/სწავლის შედეგის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი), (ინფორმაცია ჯანმრთელობის მდგომარეობის შესახებ (დამატებითი/განმეორებითი გამოცდით უსასყიდლოდ სარგებლობისათვის) პროფესიული განათლების მასწავლებელი/დარგის სპეციალისტის: სახელი, გვარი, ხელმოწერა, თვითრეფლექსია (ინტეგრირებული მოდულების შემთხვევაში), პროფესიული სტუდენტის/მსმენელის შეფასება, პოზიცია. ტრენერის: სახელი, გვარი, ხელმოწერა, ანგარიშის ნომერი, სტატუსი. | პროფესიული სტუდენტისათვის/მსმენელისათვის პროგრამით განსაზღვრული ცოდნა, უნარებისა და კომპეტენციების მიცემა - მომსახურების გაწევის გზით | <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p> <p>კოლეჯისათვის კანონმდებლობით დაკისრებული მოვალეობის შესასრულებლად</p> <p>გამონაცემთა დამუშავება გათვალისწინებული კანონით</p> <p>განსაკუთრებული კატეგორიის მონაცემთა დამუშავება ხორციელდება მონაცემთა სუბიექტის წერილობითი თანხმობის საფუძველზე</p> |
| 4 | <b>საგანმანათლებლო პროგრამის მიზნებისათვის განხორციელებული სასწავლო ექსკურსია</b>   | მონაცემთა სუბიექტის ფოტოგამოსახულება (თქვენივე თანხმობის საფუძველზე), პროფესიული სტუდენტის სახელი, გვარი, ხელმოწერა, ავტოსატრანსპორტო საშუალების მძღოლის სახელი, გვარი, მანქანის სახელწმიფო ნომერი.  | პროფესიული სტადარტით/პროგრამით განსაზღვრული მოთხოვნების შესრულება, საკანონმდებლო ვალდებულების შესრულება                               | <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p> <p>კოლეჯისათვის კანონმდებლობით აკისრებული მოვალეობის შესასრულებლად</p> <p>კოლეჯის მნიშვნელოვანი ლეგიტიმური ინტერესის დასაცავად</p> <p>მონაცემთა სუბიექტის თანხმობა</p>   |

<sup>19</sup> მე-3 და მე-4 დონის პროფესიული საგანმანათლებლო პროგრამებზე ჩარიცხვის შემთხვევაში.

<sup>20</sup> „პროფესიული განათლების მართვის საინფორმაციო სისტემის შექმნისა და ადმინისტრირების წესისა და პირობების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2021 წლის 17 თებერვალის #11/წ ბრძანება, „პროფესიული საგანმანათლებლო პროგრამაზე ჩარიცხვის წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2021 წლის 2 ივლისის #42/წ ბრძანება.



|   |  |  |   |   |
|---|--|--|---|---|
| 5 | კოლეჯის მიერ შეთავაზებული საწარმოო პრაქტიკის ეტაპზე  | პროფესიული სტუდენტის/მსმენელის: სახელი, გვარი, პირადი ნომერი, ხელმოწერა, პროგრამის/მოდულის სახელწოდება, ჯგუფის ნომერი, შეფასება (განმავითარებელი და განმსაზღვრელი), შეფასების მტკიცებულება (ნამუშევარი).   | პროფესიული სტუდენტისათვის/მსმენელისათვის პროფესიული სტანდარტით/საგანმანათლებლო პროგრამით განსაზღვრული ცოდნა, უნარებისა და კომპეტენციების მიცემა (პრაქტიკული ნაწილი) - მომსახურების გაწევის გზით | <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p> <p>მონაცემთა დამუშავება გათვალისწინებულია კანონით</p> <p>კოლეჯისათვის კანონმდებლობით დაკისრებული მოვალეობის შესრულება</p>         |
| 6 | დიპლომების, დუბლიკატების, სერტიფიკატებისა და სერტიფიკატების დუბლიკატების, დანართების მომზადება, რეგისტრაცია, გაცემის ეტაპი             | პროფესიული სტუდენტის/მსმენელის სახელი გვარი, მამის სახელი, პროგრამის დასახელება, კომისიის ოქმის ნომერი/ბრძანების ნომერი, თარიღი, დიპლომის/სერტიფიკატის ნომერი, მინიჭებული კვალიფიკაცია/დასრულებული პროგრამის სახელოწოდება, დიპლომის/სერტიფიკატის შევსების თარიღი, გატანაზე პასუხისმგებელი პირის პირადი ნომერი, ხელმოწერა, საქართველოს კანონმდებლობით განსაზღვრული სხვა მონაცემები. | საკანონმდებლო ვალდებულების შესრულება  | <p>მონაცემთა დამუშავება გათვალისწინებულია კანონით</p> <p>კოლეჯისათვის კანონმდებლობით დაკისრებული მოვალეობის შესრულება</p>   |
| 7 | პროფესიული საგანმანათლებლო პროგრამების/პროფესიული მომზადება/გადამზადების პროგრამის Microsoft Team-ის დისტანციურად განხორციელების ეტაპი | თქვენი სახელი, გვარი, გამოსახულება, ხმა, ელ-ფოსტა, ზეპირი გამოკითხვის დროს პროფესიული სტუდენტის/მსმენელის მიერ დაფიქსირებული ინფორმაცია.   | სასწავლო პროცესის დისტანციურად განხორციელება კანონმდებლობით დადგენილი წესით   | <p>კოლეჯისათვის კანონმდებლობით დაკისრებული მოვალეობის შესრულება</p> <p>კოლეჯის მნიშვნელოვანი ლეგიტიმური ინტერესის დასაცავად</p>   |
| 8 | ჩემი SBA   | პროფესიული სტუდენტის სახელი, გვარი, პირადი ნომერი, ფოტო (ნებაყოფლობით) ინფორმაცია პროფესიული სტუდენტის სტატუსის შესახებ, შეფასებების შესახებ, პროფესიული სტუდენტის დასწრების შესახებ;  | კოლეჯში მიმდინარე სასწავლო პროცესის ადმინისტრირება ერთი ფანჯრის პრინციპით   | <p>კოლეჯის მნიშვნელოვანი ლეგიტიმური ინტერესის დასაცავად</p> <p>მონაცემთა სუბიექტთან დადებული გარიგებით ნაკისრი ვალდებულების შესასრულებლად</p>   |
| 9 | ელექტრონული დოკუმენტბრუნვის სისტემა (e-flow)/კოლეჯის ინსტიტუციური ელ-ფოსტა   | სახელი, გვარი, პირადი ნომერი, ხელმოწერა (არსებობის შემთხვევაში), მონაცემთა სუბიექტის მიერ კორესპონდენციაში მითთებული ინფორმაცია, ჯანმრთელობასთან დაკავშირებული ინფორმაცია (პროფესიული სტუდენტის/მსმენელის მიერ დამატებით/განმეორებით გამოცდაზე დაშვების მოთხოვნის შემთხვევაში).  | კოლეჯის საქმისწარმოების/დოკუმენტბრუნვის პროცესის ეფექტურად წარმართვა, საკანონმდებლო ვალდებულების შესრულება  | <p>კოლეჯისათვის კანონმდებლობით დაკისრებული მოვალეობის შესრულება</p> <p>კოლეჯის მნიშვნელოვანი ლეგიტიმური ინტერესის დასაცავად</p> <p>განსაკუთრებული კატეგორიის მონაცემი - მონაცემთა სუბიექტის წერილობითი თანხმობა</p> |

|    |   |  |  |   |
|----|---|--|--|---|
|    |   |  |  | კოლეჯისათვის კანონმდებლობით დაკისრებული მოვალეობის შესრულება  |
| 10 | ვიდეომეთვალყურეობა  | მონაცემთა სუბიექტის ვიდეოგამოსახულება  | მონაცემთა სუბიექტების უსაფრთხოებისა და საკუთრების დაცვის, კოლეჯისათვის კანონმდებლობით დაკისრებული მოვალეობის შესრულებისათვის, ასევე კოლეჯის სხვა ლეგიტიმური ინტერესის სფეროსთვის მიკუთვნიებული ამოცანების შესრულებისათვის, რომელთა მიღწევა სხვა ალტერნატიული საშუალებებით ვერ განხორციელდება ან/და იგი კოლეჯისაგან მოითხოვს არაპროპორციულ ხარჯებს/ძალისხმევას, | პერსონალურ მონაცემთა დაცვის შესახებ საქართველოს კანონის მე-10 მუხლი   |
| 11 | პროფესიულ საგანმანათლებლო პროგრამებზე/პროფესიული მომზადება-გადამზადების პროგრამებზე მიღების გამოცხადების შესახებ, ჩვენი სოციალური ქსელის გვერდზე, თქვენს მიერ ნებაყოფლობით განაცხადის ფორმის შევსების ეტაპი | თქვენი სახელი, გვარი, ტელეფონის ნომერი, ელ-ფოსტა, განათლება, ასაკი, სასურველი პროგრამა.  | კოლეჯის მიერ პოტენციური მომხმარებლების მოზიდვისა და პოტენციური კლიენტებთან ეფექტური კომუნიკაციის, პოტენციური კლიენტების შესახებ ინფორმაციის ანალიზი/ტენდენციების განსაზღვრის, სსიპ - განათლების მართვის საინფორმაციო სისტემაში (VET.GE) რეგისტრაციის პროცესში პოტენციური აპლიკანტის მხარდაჭერისა და კოლეჯის მნიშვნელოვანი ლეგიტიმური ინტერესის დასაცავად       | კოლეჯის მნიშვნელოვანი ლეგიტიმური ინტერესი<br><br>მონაცემთა სუბიექტისათვის მომსახურების გაწევა                 |
| 14 | კოლეჯის ვებ/გვერდზე/სოციალურ ქსელში/საიმიჯო მასალებზე თქვენი პერსონალური მონაცემების განთავსების ეტაპი  | თქვენი სახელი, გვარი, ფოტო, ვიდეო, სტატუსი, ინფორმაცია თქვენი მიღწევების შესახებ   | კოლეჯის საქმიანობის პოპულარიზაციისა ან/და კოლეჯის საქმიანობის შესახებ საზოგადოების ინფორმირება   | მონაცემთა სუბიექტის თანხმობა, კოლეჯის მნიშვნელოვანი ლეგიტიმური ინტერესი                                       |
| 15 | პროფესიული სტუდენტის/მსმენელის კმაყოფილების კვლევის ეტაპი   | პროფესიული სტუდენტის/მსმენელის ელ-ფოსტა.   | კოლეჯის საქმიანობის ეფექტიანობის შეფასება, საკანონმდებლო ვალდებულების შესრულება  | კოლეჯისათვის კანონმდებლობით დაკისრებული მოვალეობის შესრულება<br><br>კოლეჯის მნიშვნელოვანი ლეგიტიმური ინტერესი |
| 16 | კოლეჯში დანერგილი შეფასების სისტემის შიდა ხარისხის უზრუნველყოფის პროცესი  | პროფესიული სტუდენტის სახელი, გვარი, პროფესიული სტუდენტის უნიკალური ნომერი, პროფესიული სტუდენტის შეფასების ინსტუმენტი, პროფესიული სტუდენტის შეფასება, ხელმოწერა | კოლეჯის საქმიანობის ეფექტიანობის შეფასება, პროფესიული განათლების მასწავლებლის, სასწავლო პროცესის მართვის   | კოლეჯისათვის კანონმდებლობით დაკისრებული მოვალეობის შესრულება  |

|    |  |   | სამსახურის თანამშრომლების შეფასების ნაწილში პროგრამის განვითარების შეფასების მიზნით, საკანონმდებლო ვალდებულების შესრულება | კოლეჯის მნიშვნელოვანი ლეგიტიმური ინტერესი   |
|----|--|---|---|---|
| 17 | საწარმოო პრაქტიკის ობიექტის წარმომადგენელთან (ინსტრუქტორთან) უკუკავშირის პროცესი   | პროფესიული სტუდენტის/მსმენელის სახელი, გვარი, პრაქტიკის კომპონენტის განხორციელების შეფასება.  | კოლეჯის პროგრამების პრაქტიკული კომპონენტის განხორციელების ეფექტიანობის შეფასება, საკანონმდებლო ვალდებულების შესრულება     | კოლეჯისათვის კანონმდებლობით დაკისრებული მოვალეობის შესრულება<br>კოლეჯის მნიშვნელოვანი ლეგიტიმური ინტერესი |
| 18 | პროფესიული საგანმანათლებლო დაწესებულების ავტორიზაციის სტანდარტებით განსაზღვრული მოთხოვნების დადასტურებისათვის მტკიცებულებების შეგროვების ეტაპი | ნებისმიერი მონაცემი, რომლის წარდგენის გარეშე, კოლეჯი ვერ უზრუნველყოფს პროფესიული საგანმანათლებლო დაწესებულების ავტორიზაციის სტანდარტებით განსაზღვრული მოთხოვნების დადასტურებას. | საკანონმდებლო ვალდებულების შესრულება  | კოლეჯისათვის კანონმდებლობით დაკისრებული მოვალეობის შესრულება<br>კოლეჯის მნიშვნელოვანი ლეგიტიმური ინტერესი |

## 7. მონაცემთა გადაცემა მესამე პირებისთვის

კოლეჯი თქვენს მონაცემებს მესამე პირებს გადასცემს თქვენი თანხმობის, საქართველოს კანონმდებლობით დამუშავებისთვის პასუხისმგებელი პირისთვის დაკისრებული მოვალეობის შესასრულებლად, ასევე კანონმდებლობით განსაზღვრული სხვა საფუძვლებით. კერძოდ:

- **თქვენი მონაცემები, მათ შორის, გადაეცემა:**
  - სსიპ - განათლების მართვის საინფორმაციო სისტემას;<sup>21</sup>
  - სსიპ - განათლების ხარისხის განვითარების ეროვნულ ცენტრს;
  - პროფესიული საგანმანათლებლო დაწესებულებების ავტორიზაციის საბჭოს;
  - პროფესიული მომზადება-გადამზადების უფლების მიმნიჭებელი საბჭოს;
  - საწარმოო პრაქტიკის თანაგანმახორციელებელ ორგანიზაციას;
  - სსიპ - დასაქმების ხელშეწყობის სახელმწიფო სააგენტოს;
  - სსიპ - მასწავლებელთა პროფესიული განვითარების ეროვნულ ცენტრს.
- კოლეჯი მონაცემების დამუშავების პროცესში სარგებლობს მესამე პირების მომსახურებით, მათთან გაფორმებული შესაბამისი ხელშეკრულებების საფუძველზე. აღნიშნულ ურთიერთობაში იურიდიული ან/და ფიზიკური პირები წარმოადგენენ დამუშავებაზე უფლებამოსილ პირებს, ხოლო კოლეჯი დამუშავებისთვის პასუხისმგებელ პირს. კონტრაქტორი პირების მიერ შესასრულებელი დავალების ხასიათის გათვალისწინებით, შესაბამისი მიზნობრიობითა და მოცულობით, მათ დაშვება გააჩნიათ/შესაძლოა მიენიჭონ თქვენს მონაცემებზე წვდომა.

<sup>21</sup> მათ შორის განსაკუთრებული კატეგორიის მონაცემები.

აღნიშნული პირები ვალდებულნი არიან დაიცვან „პერსონალურ მონაცემთა დაცვის შესახებ“ საქართველოს კანონი და უზრუნველყონ მონაცემთა უსაფრთხოება. აღნიშნულ პირებთან თანამშრომლობა ხდება მხოლოდ შესაბამისი წერილობითი შეთანხმების საფუძველზე, სადაც გათვალისწინებულია მონაცემთა დამუშავებისა და უსაფრთხოების საკითხები და მათ შორის ის, რომ დამუშავებაზე უფლებამოსილი პირი მონაცემებს ამუშავებს მხოლოდ კოლეჯის საქმიანობის მიზნებისთვის.

## 8. მონაცემთა შენახვა

თქვენი მონაცემები ინახება კანონმდებლობით დადგენილი ვადით:

- პროფესიული საგანმანათლებლო პროგრამის შეფასების მტკიცებულებები - უწყისის გაფორმებიდან - 3 წელი;
- პროფესიული მომზადება/გადამზადების პროგრამის შეფასების მტკიცებულებები - პროგრამის დასრულებიდან - 3 წელი;
- შეფასების უწყისები - უვადოდ;
- პროფესიული სტუდენტის/მსმენელის პირადი საქმე- უვადოდ.

მონაცემთა შენახვასთან დაკავშირებით, კანონმდებლობით დადგენილი კონკრეტული ვადის არარსებობის შემთხვევაში, მონაცემები ინახება მხოლოდ იმ ვადით, რომელიც აუცილებელია მონაცემთა დამუშავების შესაბამისი ლეგიტიმური მიზნის მისაღწევად. იმ მიზნის მიღწევის შემდეგ, რომლისთვისაც მუშავდება მონაცემები, იშლება, ნადგურდება ან ინახება დეპერსონალიზებული ფორმით. ამასთან, თანხმობის საფუძველზე შეგროვებული თქვენი მონაცემი ინახება თქვენი თანხმობის გამოთხოვამდე.

## 9. მონაცემთა უსაფრთხოება

თქვენი მონაცემთა უსაფრთხოების უზრუნველსაყოფად მიღებულია შესაბამისი ორგანიზაციულ-ტექნიკური ზომები. კოლეჯის ელექტრონულ სისტემებში მონაცემებზე წვდომა შეზღუდულია იმ მომხმარებლებით, რომელთა უშუალო ფუნქცია-მოვალეობებში შედის მონაცემთა დამუშავება. მონაცემთა ბაზაში დაცულ მონაცემებზე წვდომა შესაძლებელია მხოლოდ სამსახურებრივი კომპიუტერებიდან, წვდომაზე უფლებამოსილ ყველა პირს აქვს საკუთარი, განპიროვნებული მომხმარებლის სახელი და პაროლი.

ელექტრონულ ბაზებში არსებული ყველა მონაცემის მიმართ განხორციელებული მოქმედება აღირიცხება (ლოგირების სისტემა).

მონაცემთა დამუშავებაზე უფლებამოსილ პირებთან გაფორმებული წერილობითი შეთანხმებები მოიცავს მონაცემთა უსაფრთხოებასთან დაკავშირებულ საკითხებს.

მატერიალური დოკუმენტები ინახება არავტორიზებულ პირთაგან დაცულ ადგილას და მასზე წვდომა მკაცრად შეზღუდულია.

ჩვენ ვერ ვიქნებით პასუხისმგებელი კიბერდამნაშავეებისა და სხვა დანაშაულებრივი ქმედებებით განპირობებული თქვენი პერსონალური მონაცემების სრულად ან ნაწილობრივ დაკარგვაზე.

## 10. მონაცემთა სუბიექტის უფლებები

თქვენ გაქვთ უფლება ნებისმიერ დროს, ყოველგვარი განმარტების ან დასაბუთების გარეშე გამოიხმოდეთ (გააუქმდეთ) თქვენს მიერ გაცემული თანხმობა, რა დროსაც შეწყდება თქვენი თანხმობის საფუძველზე თქვენი მონაცემების დამუშავება, გარდა იმ შემთხვევებისა, როდესაც არსებობს „პერსონალურ მონაცემთა დაცვის შესახებ“ საქართველოს კანონით განსაზღვრული მონაცემთა დამუშავების საფუძველი.

თანხმობის გამოხმობა ხდება კოლეჯში შესაბამისი განცხადების (ზეპირი/წერილობითი) წარდგენის საფუძველზე.

თანხმობის გამოხმობამდე თქვენ უფლება გაქვთ კოლეჯის მოსთხოვთ ინფორმაცია თანხმობის გამოხმობის შესაძლო შედეგების შესახებ

მონაცემთა სუბიექტს ასევე, უფლება აქვს „პერსონალურ მონაცემთა დაცვის შესახებ“ საქართველოს კანონის შესაბამისად და ამავე კანონით განსაზღვრულ შემთხვევებში, მიიღოს ინფორმაცია მისი მონაცემების დამუშავების შესახებ, მოითხოვოს მონაცემთა გაცნობა და ასლის მიღება, მოითხოვოს მონაცემთა განახლება, გასწორება ან შევსება, მოითხოვოს მონაცემთა დამუშავების შეწყვეტა ან მონაცემთა წაშლა თანხმობის გამოთხოვით, ასევე, მოითხოვოს მონაცემთა დაბლოკვა.

კოლეჯი უზრუნველყოფს რომ დაცული იყოს „პერსონალურ მონაცემთა დაცვის შესახებ“ საქართველოს კანონის III თავით განსაზღვრული უფლებები, თუ არ არსებობს მათი რეალიზების, ამავე კანონით გათვალისწინებული შემზღვევით გარემოება.

თქვენი უფლებების რეალიზების მიზნით, ასევე თქვენი მონაცემების დამუშავებასთან დაკავშირებით ნებისმიერი სახის კონსულტაციის საჭიროებისას, გთხოვთ დაუკავშირდეთ კოლეჯის პერსონალურ მონაცემთა დაცვის ოფიცერს (იხ. დოკუმენტის ბოლო ნაწილი).

## 11. მონაცემთა სუბიექტების უფლებების შეზღუდვა

„პერსონალურ მონაცემთა დაცვის შესახებ“ საქართველოს კანონით გათვალისწინებული, მონაცემთა სუბიექტის უფლებები შეიძლება შეიზღუდოს, თუ ეს პირდაპირ არის გათვალისწინებული საქართველოს კანონმდებლობით, ამით არ ირღვევა ადამიანის ძირითადი უფლებები და თავისუფლებები, აუცილებელი და პროპორციული ზომის დემოკრატიულ საზოგადოებაში და ამ უფლებების განხორციელებამ შეიძლება საფრთხე შეუქმნას:

- სახელმწიფო უსაფრთხოების, ინფორმაციული უსაფრთხოებისა და კიბერუსაფრთხოების ან/და თავდაცვის ინტერესებს;
- საზოგადოებრივი უსაფრთხოების ინტერესებს;
- დანაშაულის თავიდან აცილებას, დანაშაულის გამოძიებას, სისხლისსამართლებრივ დევნას, მართლმსაჯულების განხორციელებას, პატიმრობისა და თავისუფლების აღკვეთის აღსრულებას, არასაკატიმრო სასჯელთა აღსრულებას და პრობაციას, ოპერატიულ-სამძებრო საქმიანობას;
- ქვეყნისთვის მნიშვნელოვან ფინანსურ ან ეკონომიკურ (მათ შორის, მონეტარულ, საბიუჯეტო და საგადასახადო), საზოგადოებრივი ჯანმრთელობისა და სოციალური დაცვის საკითხებთან დაკავშირებულ ინტერესებს;

- მონაცემთა სუბიექტის მიერ პროფესიული, მათ შორის, რეგულირებადი პროფესიის, ეთიკის ნორმების დარღვევის გამოვლენას და მისთვის პასუხისმგებლობის დაკისრებას;
- მონაცემთა სუბიექტის ან/და სხვა პირების უფლებებსა და თავისუფლებებს, მათ შორის, გამოხატვის თავისუფლებას;
- სახელმწიფო, კომერციული, პროფესიული და კანონით გათვალისწინებული სხვა სახის საიდუმლოებების დაცვას;
- სამართლებრივი მოთხოვნის ან შესაგებლის დასაბუთებას.

მონაცემთა სუბიექტის უფლების შეზღუდვისათვის გათვალისწინებული ზომა შეიძლება გამოყენებულ იქნეს მხოლოდ იმ მოცულობით, რომელიც აუცილებელია შეზღუდვის მიზნის მისაღწევად. ამასთან, უფლების შეზღუდვის საფუძვლების არსებობისას, კოლეჯის გადაწყვეტილება მონაცემთა სუბიექტს ეცნობება იმგვარად, რომ ზიანი არ მიადგეს უფლების შეზღუდვის მიზანს.

## 12. პოლიტიკის განახლება

მონაცემთა დამუშავებასთან დაკავშირებული ცალკეული საკითხების ცვლილების შემთხვევაში, პოლიტიკა ექვემდებარება საჭიროებისამებრ განახლებას.

## 13. დაგვიკავშირდით

თუკი გაქვთ შეკითხვები წინამდებარე კონფიდენციალურობის პოლიტიკისა თუ პერსონალური მონაცემების დაცვის ჩვენეულ პრაქტიკასთან დაკავშირებით, გთხოვთ, დაგვიკავშირდეთ ელექტრონული ფოსტით მისამართზე:

კოლეჯის ელექტრონული ფოსტა:

[marneulicollege@gmail.com](mailto:marneulicollege@gmail.com)

ტელეფონის ნომერი: [595302390](tel:595302390)

კოლეჯის პერსონალურ მონაცემთა დაცვის ოფიცერი - შპს „მონაცემთა დაცვის გუნდი“

საკონტაქტო ინფორმაცია: [info@dpt.ge](mailto:info@dpt.ge), 599 08 61 98.